

Class 10 बाइदिमैयानि आसाम
खोन्दो - 10 **Bodo Medium**
स 'न'वाल कछारीफोर

1. डिमासा रावाव स 'न'वालनि ओंथिया मा?

फिन : डिमासा रावाव स 'न'वालनि ओंथिया गोजों आरो दोहोनि।

2. स 'न'वाल कछारीफोरा मा दोहोरोम सिबिग्रामोन?

फिन : सन 'वाल कछारिफोरा 830 खृ. निफ्राय शाक्त एबा पुरातन दोहोरोम फुजिग्रामोन।

3. स 'न'वाल कछारीफोरनि सुबुं थुनलाइफोरनि सोमोन्दै लिर।

फिन : स 'न'वाल कछारीफोरनि दासिम मोननाय सुबुं थुनलाइफोरनि मादाव हायदां मेथाइ, हुसरि मेथाइ, बहुवा मोसानायनि मेथाइ, आइनाम, धाइनाम, लखिमी नाम, अपेश्वरी नाम, गसाइनि मेथाइ, फुलक 'वर, मणिक 'वरनि मेथाइ, जना गाभरुनि मेथाइ, मारा होनाय मेथाइ, बिहु मेथाइ, तरासिया मेथाइ आरियानो गाहाइ। खुगा खुगा बारस्लायबोनाय बै थुनलाइफोरा अदेबानि दासान्दि लिरनाय महराव फोसावजानो हमबाय।

4. स 'न'वाल कछारीफोरनि समाज राहाखौ बिजिरना लिर।

फिन : सनवाल कछारीफोरनि गिबि सिनायथिया सँच एबा नखर, फोलेर, खेल आरो कुचीया। दासान्दि सन 'वालफोरनि मादाव मोन 135 सँच दं। बेनिनो मोन एबा बेनि बांसिन सँच लोगो नांना मोनफा

फोलेर जायो। सन 'वाल कछारिफोरनि गेजेराव गासै मोन 25 फोलेर दं। बेनिनो मोन जिब्रै फोलेरखौ सायख 'नानै कछारीनि हादोर गाहाइ माणिकआ हालाली राज्योखौ खुंदोंमोन। सन 'वाल कछारीफोरनि जुलिनि बिथिडाव गिबियावनो सँच आरो फोलेर बिजिरनाय जायो। मोनसे सँच एबा फोलेरनि मानसिखौ नखरसेनिनो बिदा-बिफं महरै गनायनाय जायो।

5. स 'न'वाल कछारीफोरखौ मानो मोननै दोहोरोमारि होनना बुंनाय जायो?

फिन : सन 'वाल कछारिफोरा 830 खु. निफ्राय शाक्त एबा पुरातन दोहोरोम फुजिग्रामोन। नाथाय 1681 मायथाइ (1600 शक) आव आहमनि सर्गदिउ गदापानिनि राज फाखनाव गोग्लैनानै श्री श्रीकेशवदेव ग 'स्वामी देवआ शदियानि सन 'वालफोरनि गोहोमारि हालाम आथुकढा चापरि आथिखालनि कुण्डिल आरो बुर्लुथुर सेरफांनि हालामाव थाखुमाना थानाय समाव जोबोर सोलोजों सनवाल कछारीफोरखौ शरण लाहोनानै मोननै दोहोरोमाव बोखावनानै दोनो।

सत्राधिकारनि सेराव शरण लानायफोरखौ हिन्दुरीया आरो शरण लायिफोरखौ बेहारी होनना मुं दोननायसै। आरो बै समनिफायनो सनवालफोरनि गेजेराव 'ग'साइ नाम' सोखनजायो। बेनिखायनो सनवाल कछारिफोरखौ मोननै दोहोरोमारि होनना बुंनाय जायो।

6. लिरसुंथाय लिर:

(क) गगन चन्द्र स 'न'वाल।

(ख) परशुराम स'न 'वाल।

(ग) ज 'गेश दास।

(घ) ज 'गेन्द्र नाथ हाजरिका।

फिन : (क) गगन चन्द्र स 'न'वाल: थुनलाइ हारिमुनि सोरजिगिरि गगन चन्द्र सनवालआ तिनिचुकीया जिलानि बरहापजाननि खाथिनि शुकानगिरि चाहा बागानाव 1926 खृष्टाब्दनि 24 डिसेम्बर खालाराव जोनोम जायो। डाङरि गामिनि तिलक सनवालआ बिथानि बिफा आरो अदिति सनवालआ बिथानि बिमा।

माकुम गुदि फरायसालियाव बिथानि सोलोंथाइ जिउवा जुरिजेनो। बेनि उनाव फारियै डाङरी गेजेर इंराजी फरायसालि आरो डाङरी इंराजी फरायसालिनिफ्राय मेट्रिक आनजादाव उथिसारो। डिब्रुगडनि गोजौ सोलोंथाइनि मिरु डिब्रुगड हनुमान बक्स कानै कलेजनिफ्राय आरिमु बिफानाव प्रि-डिग्री आनजादाव उथिसारनायनि उनाव बिथानि सोलोंथाइ जिउवा एसेयावनो थुंगेहैयो।

तिनिचुकीया जिलानि काकपथाराव 1947 खृष्टाब्दआव गेजेर इंराजी फरायसालियाव सासे गायसंगिरि फोरोंगिरि महरै खामानि जिउनि जुरिजेननायनिफ्रायनो हेफाजाबगिरि फोरोंगिरि मासिनिफ्राय 1988 खृष्टाब्दनि 31 डिसेम्बराव आजिरा लायो। फोरोंगिरि मावनायनि अनगायैबो सनवाल बिथाङा गावनि आथिङाव गसंना जिउ खांनायनि थाखाय आबादनि खामानियावबो गावखौ थिसनदोंमोन।

डाङरीनि गेजेर इंराजी फरायसालियाव बा थाखोआव फरायबाय थानाय समावनो गगन चन्द्र सनवाल बिथाङा थुनलाइ सोर्जिनाय खामानियाव आखाइ होजेनो। फरायसालिनि आखाइजों लिरनाय सानमालाइसि बिलाइयावनो 1942 खृष्टाब्दआव 'मानव सभ्यता आरु क्रमबिकाश' रायथाइखौ जिसे बोसोराव लिरदोंमोन।

बे समाव मुंदांखा गुवाटीनि 'तरुन लेखक संघ' नि गिबि
ओंखारजेननाय खुगा बिलाइ 'तरुण जागरण' आव 'सनवाल कछारि'
नि हायदां मेथाइखौ फोसावदोंमोन।

(ख) परशुराम सन 'वाल : परशुराम सनवालआ जोनोम जायो
1904 मायथाइनि 25 मे खालाराव नगाघुलि चाहा बागानाव, बिथांनि
बिफानि मुडा पन्सानन सनवाल आरो बिमानि मुडा गुटिमाला
सनवाल। ग्रेहेम बजानि गुदि फरायसालियाव परशुराम सनवाल
बिथाडा गुदि सोलोंथाइखौ जुरिजेनो। देरहासारै बे फरायसालिनिफ्राय
उथिसारो आरो गभर्णमेन्ट बयेस हायार सेकेण्डारि स्कुलाव मुं थिसनो
आरो बै फरायसालिनिफायनो 1924 मायथाइयाव सेथि थाखोआव
मेट्रिकनि देवनाखौ बारग 'यो आरो कटन कलेजनिफाय आइ.ए.
आरिमु बिफानाव सेथि थाखोआव उथिसारनानै कलिकतानि
प्रेसिडेन्सि कलेजाव मुं थिसनहैयो।

बै कलेजनिफ्राय 1928 मायथाइयाव जारिमिन आयदायाव अनार्स
लानानै आरिमु जालिया (B.A.) डिग्रीखौ सेथि थाखोआव उथिनो
हायो। 1930 मायथाइयाव इउनिभारसिटि अब कलकातायाव मोनसे
समावनो मोननै मुंथियाव थामहिनबा आरिमु गोरा (M.A.) आरो
एल.एल.बि. याव मुं थिसननानै 1932 मायथाइयाव आरिमु गोरायाव
जारिमिन आयदायाव सेथि थाखोनि नैथि जायगा आरो लोगोसे
एल.एल.बि. नि आनजादाव मेरिटनि फारिलायाव इउनिभारसिटिनि
मादावनो नैथि जायगा मोननानै गावखौनो मेलेम गोनां होनना
सिनायथि होनो हादोंमोन।

परशुराम सनवालआ खालि सासे सोलोंथाइनि बिथिडावल'
जाफुंसारमोन बे नडा, गेलेनाय, मेथाइ रोजाबनाय, लिरनाय (सल'
रायथाइ) आरिजों लोगोसे मुसुखा आरिमुआवबो आखा फाखामोन।
बिथांनि सल 'आरिया बै समाव फोसावजनाय Illustrated Weekly
of India सानमालाइसियाव लेन्थ्रियै फोसावजादोंमोन

आरो गोनां जानाय सावगारिफोरनि स्केसबो गावनो होदोंमोन।

(ग) जगेश दास: 1927 मायथाइयाव डुमडुमानि हाहचरा चाहा बागानाव गोसोखांजाथाव सोलोंथाइगिरि आरो मुंदांखा थुनलाइगिरि जगेश दासआ जोनोमा जादोंमोन। बिथांनि बिफानि मुडा सुर्यकान्त दास आरो बिमानि मुडा चिन्तामनि दासमोन। चाहा बागाननि हायना गोनां मिथिंगानि सोरदिंथायाव गेदेर-गोलाव जानाय जगेश दासआ चाहा बागाननि गुदि फरायसालियावनो सोलोंथाइ जिउखौ जुरिजेनो।

डुमडुमा गेजेर फरायसालिनिफ्राय देरहासारै उथिसारनानै डिब्रुगड़ जर्ज इनष्टितिउसन आथिखालनि बाग्मीबर नीलमनि फुकन हायार सेकेण्डारि फरायसालियाव गोजौ फरायसालिनि सोलोंथाइखौ नाजावो। 1954 मायथाइथाव जोबोर देरहासारै मेट्रिक आनजादखौ उथिसारो। 1949 मायथाइयाव कटन कलेजनिफ्राय आरिमु जालिया बिमुंखौ मोननानै गुवाहाटी मुलुक सोलोंसालिनिफ्राय 1953 मायथाइयाव आरिमुगोरा बिमुं मोनो। फरायसा समनिफ्रायनो बिथांनि सल'मा 'खहारि पाइ' बिजाबा फोसावजादोंमोन।

डुमडुमा गोजौ फरायसालियाव फोरोंगिरि मावनायजों खामानि जिउ जुरिजेननाय जगेश दासआ 1953 मायथाइनिफ्राय 1988 मायथाइसिम गुवाहाटि बि.बरुवा जौमा फरायसालियाव बिबुंगिरि जायो आरो असमिया बिफाननि गाहाइ बिबुंगोरा महरै आजिरा लायो। गियाननि सोरजिनायानो बिथांनि जिउनि गाहाइ थांखिमोन।

(घ) ज 'गेन्द्रनाथ हाजरिका: आसामनि बारग' गिबिमन्थि जगेन्द्र नाथ हाजरिकाया आसामनि सुबुं समाजनि गेजेराव जगेन हाजरिका मुडै बांसिन मुंदांखा। मानसिया गासैबो गुनजों समाइफबनाय, गाननायाव गुफुर खद्वरनि खसाब, समायना सोलेरनि दाथाय, दिदिम गुरै, गासैबो बिथिडावनो आब्रुथि, रायज्जायनाय-बुंनायाव जोबोर हमथाहमथा, जोबोर माहि आसार आखु, सोलोगोरों सुबुंथिनि गुजों

आबुं सासे गुफुरै गोजौ गेदेर गोरलैयैनो बयखौबो गोसो बोनो हानाय
सुबुंमोन। बिथाडा निहोरनि दै बायदि जोबोर गोथार गोरबोनि आरो
गोगो आखुनिमोन।

बिथाडा फारियै सासे गोरों फरायसा, आदर्श समाज खान्थियारि,
गाहाम गौधुम दागिरि, मोजां लिरगिरि, सोलोगोरा, सानमालाइसि
सुजुगिरि, आइन खान्थियारि, राफोद संसद, भारतनि गिबि गुबुनारि
बिफाननि संसदारि नेहाथारि, सोलोगोरों राजखान्थिगिरि, एम.एल.ए.
राफोद खुंगिरि, बिधान सभानि बुंथिगिरि आरो आसामनि बारग'
गिबिमन्थि।

आसामनि डिब्रुगढ़ जिलानि टेङाखात ओनसोलनि पुरनिखडिऱ्या
गामियाव 1924 मायथाइनि 24 फेब्रुवारि खालाराव गोरिब नखराव
जगेन हाजरिका बिथाडा जोनोम जादोंमोन। बिथांनि बिमा-बिफाया
फारियै गलाप चन्द्र हाजरिका आरो रत्ना हाजरिकामोन।